

Redovni izvještaj dnevnih događaja i pojava

Izvještaj se odnosi na događaje u vremenskom periodu od 10.08.2026. godine od 08:00 sati do 11.08.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać. Vatrogasna jedinica grada Bihaća imala je dvije intervencije na gašenju požara:

- od 13:20 do 14:25 sati u mjestu Hasin Vrh, gdje je gorjelo nisko rastinje,
- od 19:07 do 19:48 sati u mjestu Kostela, gdje je gorjela živica oko kuće.

Grad Cazin. Vatrogasna jedinica grada Cazina imala je dvije intervencije na gašenju požara:

- od 14:17 do 16:00 sati u mjestu Miostrah, gdje je gorjela šuma i nisko rastinje.
- od 21:30 do 23:00 sati u mjestu Skokovi, gdje je gorjela šuma i nisko rastinje.

Općina Velika Kladuša. Vatrogasna jedinica općine Velika Kladuša imala je dvije intervencije na gašenju požara:

- od 12:45 do 15:40 sati u mjestu Gornja Slapnica, gdje je gorjela štala,
- od 16:25 do 17:40 sati u mjestu Rudnik, gdje je gorjela šuma.

Općina Bosanski Petrovac. Vatrogasna jedinica općine Bosanski Petrovac imala je intervenciju na gašenju požara od 15:10 do 17:30 sati u mjestu Bravsko, gdje je gorjela štala.

Općina Sanski Most. Vatrogasna jedinica općine Sanski Most imala je intervenciju na gašenju požara od 17:30 do 18:30 sati u mjestu Husinovci, gdje je gorjelo nisko rastinje.

Tehničke intervencije:

Grad Bihać. Vatrogasna jedinica grada Bihaća imala je tehničku intervenciju u mjestu Gata, sapiranje ceste poslije saobraćajne nezgode.

Vatrogasne jedinice u ostalim općinama i gradovima nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Zbog radova na sanaciji nadvožnjaka na lokalitetu Orljani na magistralnoj cesti Bihać-Ripač, zatvoreno je skretanje sa magistralne ceste prema naselju Ribić-Orljani.

Zbog radova na sanaciji klizišta na magistralnom putu M4.3. Bužim-Brigovi, saobraća se usporeno, jednom trakom naizmjenično.

Duge su kolone vozila na izlazu iz Bosne i Hercegovine na graničnim prelazima Izačić i Velika Kladuša, na ostalim graničnim prelazima zadržavanja za putnička vozila nisu duža od 30 minuta.

BEZBJEDNOST U SAOBRAĆAJU (LP-7) (saobraćajne nezgode)

U protekla 24 sata na području Kantona desilo se deset saobraćajnih nezgoda.

Tri lica su zadobila teže i pet lica lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcionišu u svim pravcima.

OBLAST VODOSNABDIJEVANJA (LP-18)

Grad Bihać. U ranim jutarnjim satima došlo je do puknuća glavne vodovodne cijevi, zbog čega su mogući prekidi i otežano vodosnabdijevanje u većem dijelu grada Bihaća.

Ekipe JP „Vodovod“ d.o.o. Bihać su na terenu i rade na otklanjanju kvara.

Grad Cazin. Zbog povećane potrošnje i smanjenog kapaciteta na izvorištima uvedene su redukcije u snabdjevanju. Redukcije će trajati nekoliko sati u različitim vremenskim periodima, tokom dana i noći, za pojedine grupe potrošača.

Vodosnabdijevanje u ostalim općinama i gradovima je zadovoljavajuće.

NEEKSPLODIRANA UBOJNA SREDSTVA NUS (LP-19)

Nije bilo prijava za pronalazak NUS-a.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila 20 °C.

Vodostaj rijeke Une iznosi 20 cm, (početak obavještanja je 100 cm).

U općini Sanski Most u 08:00 sati temperatura je iznosila 21 °C.

Vodostaj rijeke Sane iznosi 75 cm (početak obavještanja je 310 cm).